

華東稀見叢書文獻 第十卷

中國華東文獻叢書

中國華東文獻叢書·第二輯

華東稀見叢書文獻

第十卷

甘肅省古籍文獻整理編譯中心
中國華東文獻叢書編輯委員會
編

本卷目錄

侯官郭氏家集彙刊	一
〔民國〕郭則澐輯	〇〇三

【民國】郭則澐輯

侯官郭氏家集彙刊

一

〔民國〕郭則澐輯。民國二十三年（一九三四年）侯官郭氏刻本。

郭則澐（公元一八八二至一九四六年），字蟄雲、養雲，號嘯麓。清朝禮部右侍郎郭曾炘長子。則澐曾任清朝浙江溫處道道臺、北洋政府僑務局總裁等職。該書是清朝至民國福建侯官郭柏蔭、郭式昌、郭傳昌、郭曾炘等所著詩文集刊。二函，十五冊。書長二十九點五釐米，寬十七點四釐米；版框長十八點二釐米，寬十二點三釐米。白口，雙魚尾，四周單邊。每半頁十一行，行二十一字。

侯

官

郭

氏


家

集

彙

刊

甲戌四月夏孫桐署



侯官郭氏家集彙刊總目

石泉集

天開圖畫樓文稿

變雅斷章衍義

廖廖言

續廖廖言

說雲樓詩草

惜齋吟草

惜齋詞草

匏廬詩存

匏廬贗草

再媿軒詩草


郭文安公奏疏

樓居偶錄

信

集

泉



題石泉集

李聯琇 小湖

百卉忽無色梅顏笑冬陽坐披石泉集冰雪融我腸公

才命世者宣勦馳星霜歸來夢戈壁

譯言沙磧

絕塞天日黃

荷戟從鄉人亂定開講堂生徒式風雅貞抱傾吟囊論
詩有宗旨生憎黃豫章江珧本忌食任淵注空詳獨持
渾沌鏡爛朗非幽光匠巧不徒運真氣驚中唐嘉禾芟
蕨蕒芳草鐫蕙纒中蘊味醺醺旁溢香揚揚循誦往復
回掩卷鏗繞梁我詩不敢哦牛鐸慙郎當

遠堂同年出示石泉集因用其寄懷韻率成一律歸之

林鴻年 勿村

卅年北燕倏南鴻回首名場各夢中眼尙能青惟望子

頭雖未白已成翁鄉山獨自歸鞭早宦海誰人舞綵同
卻爲彗星竚雲際浩歌我亦悅臨風

石泉集卷一

侯官郭柏蔭

早日

壬午

羲馭曈曨上曉天玲瓏世界湛無煙生成一片光明氣
未出山時已了然

寒夜

料峭孤吟客更深不掩門風聲來遠樹月意到斜垣霜
重燈無燄雪明山有痕詩心寒更好莫與夏蟲言

翠微樓

清磬催人起窗扉曉暫開遠山銜日出孤鳥破煙來霜
葉飛狂雨風林吼怒雷興高寒不覺叉手幾徘徊

忍教

癸未

朱雀橋邊事已非夕陽野草總依依忍教王謝堂前燕
竟傍尋常委巷飛

折柳詞

嫩柳黃金枝贈郎與郎期明年復此日可是郎歸時
側立柳陰亭看郎過橋去白馬青絲韁今宵宿何處

上山

甲申

上山采薜蘿下山采芣苢周行寘傾筐我懷曷能已所
思復何人相去不盈咫欲趁東風訴別愁安能身似柳
花起江南江北不相聞只應同飲江心水

搗衣篇

微雲曖月浮涼光杵聲淅淅搖空蒼夜靜江寒遠相答
似聞哀雁唳清湘露華已老霜華逼素手翻波凍無力
剝啄中稀還復敲欲言不言淚霑臆去年直北修長城
今年防虜陰山行陰山六月猶苦雪何況鐵甲支嚴更
懸知塞上風沙闊每望寒衣勝飢渴岸楓未紅先寄將
尙愁道遠無繇達此情此景訴誰聞西風吹散天邊雲
明河倒冑稀星白但見磐石迴波紋波紋渺渺有時斷
行人不歸石應爛卻立四顧明月斜折葦寒蘆滿秋岸

秋陰

西風無力不成秋迥野清寥景轉幽水氣浮青遮日腳
嵐光罨碧接雲頭數聲疏雨梧桐館一片寒煙蘆荻洲